



## **PERBADANAN PEMBANGUNAN EKONOMI SABAH (SEDCO)**

### **POLISI ANTI-RASUAH**


Selaras dengan pelaksanaan Sistem Pengurusan Anti-Rasuah (MS ISO 37001:2016), SEDCO telah mewujudkan Polisi Anti-Rasuah yang bertujuan untuk menerangkan dasar mengenai peraturan serta larangan terhadap sebarang aktiviti berbentuk rasuah, penyelewengan dan salah guna kuasa. Polisi ini selaras dengan peruntukan di bawah Akta Suruhanjaya Pencegahan Rasuah Malaysia 2009 dan lain-lain akta serta peraturan yang berkaitan.

Polisi ini dapat membentuk satu hala tuju yang jelas dalam kalangan kakitangan anggota pekerja SEDCO untuk bersama-sama dalam usaha membanteras jenayah rasuah, penyelewengan dan salah guna kuasa. SEDCO komited untuk:

- a. Membanteras segala amalan rasuah, penyelewengan dan salah guna kuasa daripada berlaku dalam kalangan anggota pekerja SEDCO dan pihak berkepentingan;
- b. Mematuhi segala peraturan, perundangan, akta atau arahan yang berkaitan dengan kesalahan rasuah, terutamanya Akta Suruhanjaya Pencegahan Rasuah Malaysia 2009;
- c. Melaksanakan Sistem Pengurusan Anti-Rasuah yang berfungsi sebagai sistem kawalan dalaman bagi mengesan, mencegah, mengendalikan, menguatkuasa, menilai serta menambah baik langkah pengurusan anti-rasuah secara berkesan;
- d. Mewujudkan Pelan Tindakan Integriti SEDCO sebagai rangka kerja untuk menetapkan, menyemak semula, dan mencapai objektif anti-rasuah;
- e. Memenuhi semua keperluan MS ISO 37001:2016 Sistem Pengurusan Anti-Rasuah (ABMS);
- f. Menggalakkan anggota pekerja untuk melaporkan sebarang kesalahan rasuah yang berlaku dengan menyediakan saluran aduan dan perlindungan pemberi maklumat melalui polisi Aduan Integriti;
- g. Menambah baik Sistem Pengurusan Anti-Rasuah secara berterusan;
- h. Mewujudkan Unit Integriti sebagai badan bebas yang berperanan untuk menyelia pelaksanaan Sistem Pengurusan Anti-Rasuah, memberi

penerangan kepada anggota pekerja berkaitan kesalahan rasuah, dan menyelia pelaksanaan Sistem Pengurusan Anti-Rasuah serta melaporkan prestasi pelaksanaannya kepada Pengurusan Tertinggi dan Lembaga Pengarah;

- i. Mengenakan tindakan yang wajar bagi sebarang pelanggaran polisi Anti-Rasuah yang berkaitan.



**Datuk Dr. Richard Sakian Gunting**  
Pengerusi  
Perbadanan Pembangunan Ekonomi Sabah (SEDCO)

31 Oktober 2019